

疫證治例

疫證治例卷三

湘鄉太廓子朱增籍蘭臺氏著

壻戴長銓鏡渠校字

男光馥樹桂

全參訂

及門諸子

太陰證治例

邪出太陰之經。脈浮而緩。手足自溫。腹滿時痛。桂枝
加芍藥湯主之。其或中氣素弱。表尙未和。心悸而煩。

或腹中急痛陽脈瀼陰脈弦小建中湯主之

邪人太陰之藏隨陽而化者口渴噤乾大實腹痛脈

沈有力桂枝加大黃湯主之脈沈腹痛滿不減減不

足言急下之大承氣湯主之吐食食入即吐乾薑黃

連黃芩人蔘湯主之隨陰而化者脈沈遲腹滿時

痛吐食下利理中湯主之脈沈遲腹脹時滿厚樸生

薑甘草半夏人蔘湯主之下之邪陷協熱下利心下

痞鞭表裏不解桂枝人蔘湯主之

其有沴邪傳入太陰身熱發黃者蓋太陰溼氣之藏
邪入熱與溼搏熱盛於溼發熱身黃如橘子色梔子
蘖皮湯主之身黃橘色尿閉腹微滿茵陳蒿湯主之
外傷於寒熱瘀於裏身黃橘色麻黃連軹赤小豆湯
主之熱與溼搏溼盛於熱身黃色暗便澹尿利茵陳
四逆湯或茵陳理中湯主之身黃色暗便澹尿閉茵
陳五苓散主之

彙方

桂枝加芍藥湯

桂枝

芍藥

甘草

生薑

大棗

水煎溫服。

按長沙論中本太陽病。醫反下之。因而腹滿時痛。後賢原文註釋。謂邪陷太陰。用桂枝加白芍。外解太陽之表。內調太陰之裏。究非定論。觀論中太陰病。脈浮可發汗。宜桂枝湯。則知桂枝太陽表藥。而

亦太陰表藥也。太陰位居中土。土鬱則木必凌之。
桂枝溫升肝木。芍甘薑棗調和裏氣。震坤合德。土
木無侮。則太陰之經氣舒。腹滿時痛自愈。黃元御
一生學問。半得力此方。何註釋及此。而不暢言其
妙也。

小建中湯

於前方內加膠飴

水煎去滓。內膠飴。更上微火消解。溫服一升。日三

服嘔家不可用建中以甜故也。

錢斗保云是方也。卽桂枝湯倍芍藥加膠飴也。名曰小建中者。謂小小建立中氣也。蓋中氣雖虛。表尙未和。不敢大補。故仍以桂枝和營衛。倍芍藥加膠飴調建中州。而不啜稀粥溫覆令汗者。其意重在心悸中虛。而不在傷寒之表也。中州建立營衛。自和津液可生。汗出乃解。悸煩可除矣。嘔家不可用。謂凡病嘔者不可用。恐甜助嘔也。

桂枝加大黃湯

桂枝

芍藥

甘草

大黃

生薑

大棗

水煎溫服

按此太陰表裏兩解之劑也

大承氣湯方見前

乾薑黃連黃芩人蔘湯

乾薑

黃連

黃芩

人藳

水煎溫服。

錢斗保云朝食暮吐脾寒格也。食入卽吐胃熱格也。寒格以理中湯溫其太陰。加丁香降其寒逆。熱格當用乾薑人藳安胃。黃連黃芩降胃火也。

理中湯

人藳

白朮

乾薑

甘草炙

水煎溫服。加黃連茯苓名連理湯。

若臍上築者。腎氣動也。去朮加桂。

若吐多者。去朮加生薑。

若下多者。還用朮。

若悸者。加茯苓。

若渴欲得水者。倍用朮。

若腹中痛者。倍人參。

若寒者。倍乾薑。

若腹滿者。去朮加附子。服湯後如食頃。飲熱粥一升許。微自溫。勿發揭衣被。

程郊倩曰。陽之動始於溫。溫氣得而穀精運。穀氣升而中氣贍。故名曰理中。實以燮理之功。予中焦之陽也。蓋謂陽虛則中氣失守。膈中無發宣之用。六府無灑陳之功。猶如釜薪失焰。故下至清穀。上失滋味。五藏凌奪。諸證所由來也。藳朮炙草。所以守中州。乾薑辛以溫中。必假之以然。釜薪而騰陽。

氣是以穀入於陰。長氣於陽。上輸華蓋。下攝州都。五藏六府皆受氣矣。此理中之旨也。若水寒互勝。卽當脾腎雙溫。加之以附子。則命門益而土母溫矣。白朮補脾。得人薑則壅氣。故臍下動氣吐多腹滿皆去朮也。加桂以伐腎邪。加生薑以止嘔也。加附子以消陰也。下多者溼勝也。還用朮燥溼也。渴欲飲水。液竭也。加朮使飲化津生也。心下悸。停水也。加茯苓導水也。腹中痛。倍人薑虛痛也。寒者加

乾薑寒甚也。

厚樸生薑甘草半夏人蔘湯

厚樸

生薑

人蔘

半夏

甘草

水煎溫服。

柯韻伯曰陽明脹滿是陽實於裏太陰脹滿是寒實於裏而陽虛於內也邪氣盛則實故用厚樸薑半而除脹滿正氣奪則虛故用人蔘甘草補中而

益元氣。此亦理中之劑與。

桂枝人蔘湯

於理中湯方內加桂枝

喻嘉言曰。誤下則致裏虛。裏虛則外熱乘之。變而爲利不止者。裏虛不守也。痞鞭者。正虛邪實。中州滯礙痞塞而堅滿也。以表未除。故用桂枝以解之。以裏適虛。故用理中以和之。此方卽理中加桂枝而易其名。亦治虛痞下利之聖法也。

梔子蘖皮湯

梔子

蘖皮

甘草

水煎溫服。

錢斗保曰傷寒身黃發熱者若有無汗之表以麻黃連軹赤小豆湯汗之若有成實之裏以茵陳蒿湯下之今外無可汗之表證內無可下之裏證惟有黃熱宜以梔子蘖皮湯清之可也此方之甘草當是茵陳傳寫之誤也

茵陳蒿湯

梔子

大黃

茵陳蒿

水煎溫服。小便當利。尿如皂角汁狀。正赤色。一宿腹減。黃從小便出也。

柯韻伯曰。茵陳。稟北方之氣。經冬不凋。傲霜凌雪。偏受大寒之氣。故能除熱邪。留結。率梔子以通水源。大黃以調胃實。令一身內外瘀熱悉從小便而出。腹滿自減。腸胃無傷。乃合引而竭之之法也。

麻黃連軀赤小豆湯

麻黃

杏仁

赤小豆

連軀

大棗

生梓白皮

甘草

生薑

水煎溫服

錢斗保云溼熱發黃無表裏證熱甚者清之小便不利者利之裏實者下之表實者汗之皆無非爲病求去路也用麻黃湯以開其表使黃從外而散